

**Bosna i Hercegovina
Federacija Bosne i Hercegovine**

KANTON SARAJEVO

**Javna ustanova "Služba za zapošljavanje
Kantona Sarajevo" - Sarajevo
SARAJEVO**



**Bosnia and Herzegovina
Federation of Bosnia and Herzegovina**

CANTON SARAJEVO

**Public Institution "Employment Service of
Canton Sarajevo" - Sarajevo
SARAJEVO**

Javna ustanova «Služba za zapošljavanje Kantona Sarajevo» - Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo («Službene novine Kantona Sarajevo», br. 4/04, 29/09 i 18/13), na osnovu Programa mjera za podsticaj zapošljavanja i održavanja više stope zaposlenosti u Kantonu Sarajevo u 2014. godini sa načinom i kriterijima za realizaciju broj:02-05-19780-6/14 od 25.06.2014. godine, o b j a v l j u j e

JAVNI POZIV NEZAPOSLENIM OSOBAMA DA SE PRIJAVE ZA UČEŠĆE U PROGRAMU SUFINANSIRANJA SAMOZAPOŠLJAVANJA

I

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2014. godini sa načinom i kriterijima za realizaciju, Javna ustanova «Služba za zapošljavanje Kantona Sarajevo» - Sarajevo (u daljem tekstu: Služba), poziva nezaposlene osobe koje imaju osnovne pretpostavke da se bave samostalnom djelatnošću, da se prijave za učešće u Programu sufinansiranja samozapošljavanja. Dvoje ili više nezaposlenih osoba može se udružiti, a ukoliko se udruže, svaka od njih će samostalno dobiti sredstva, a koja se u zbiru prebacuju na novoosnovani privredni subjekt.

II

Planirana sredstva za ove namjene iznose 594.000,00 KM, a cilj je samozapošljavanje 66 nezaposlenih osoba prijavljenih na evidenciju nezaposlenih u Kantonu Sarajevo, a koje do sada nisu koristile sredstva Službe ili Federalnog zavoda za samozapošljavanje. Služba će nezaposlenim osobama koje budu obuhvaćene Programom sufinansiranja samozapošljavanja (u daljem tekstu: Program) i registruju samostalnu djelatnost, te izvrše prijavu na penzijsko i invalidsko, i zdravstveno osiguranje u skladu sa Zakonom o radu Kantona Sarajevo, u trajanju od 15 mjeseci, refundirati sredstva u mjesečnom iznosu od 600,00 KM za isplatu plaća i uplatu zakonom propisanih poreza i doprinosa. Programom se neće sufinansirati osnivanje udruženja i fondacija.

III

Uz aplikaciju za učešće u Programu, potrebno je dostaviti original ili ovjerene fotokopije slijedećih dokumenata:

- Odgovarajuću dokumentaciju kojom se dokazuje vrijeme nezaposlenosti,
- Odgovarajuću dokumentaciju kojom se dokazuje posjedovanje vlastitog poslovnog prostora, zemljišta ili drugih resursa za pokretanje samostalne djelatnosti,
- Odgovarajuću dokumentaciju kojom se dokazuje pripadnost određenoj kategoriji boračke populacije, odnosno status Šehidske porodice/porodice poginulih boraca, demobilisanog borca i djeteta RVI koji imaju 100% procenat invalidnosti,
- Izjavu ovjerenu kod općinskog organa da do sada nisu koristili sredstva Službe ili Federalnog zavoda za samozapošljavanje,
- Izjavu ovjerenu kod općinskog organa da su saglasni da rezultati javnog poziva budu objavljeni na web stranici Službe.

IV

Prilikom dodjele sredstava, prednost će imati nezaposlene osobe koje su duže vrijeme na evidenciji nezaposlenih, osobe koje posjeduju vlastiti poslovni prostor, zemljište ili resurse za pokretanje samostalne djelatnosti kao i Šehidske porodice/porodice poginulih boraca, nezaposleni demobilisani borci i djeca RVI koji imaju 100% procenat invalidnosti.

Kod istog broja bodova, prednost se daje osobi koja je duže vrijeme na evidenciji nezaposlenih u Kantonu Sarajevo.

Prilikom udruživanja nezaposlenih osoba u smislu osnivanja zajedničkog privrednog subjekta, svaki aplikant navodi taj podatak u aplikaciji u smislu korištenja poslovnog prostora, zemljišta i drugih resursa.

U ovom slučaju svaki aplikant se zasebno boduje.

V

Obrasci za podnošenje Zahtjeva mogu se dobiti u Javnoj ustanovi «Služba za zapošljavanje Kantona Sarajevo» - Sarajevo, u Odjeljenju za poslove podsticaja u zapošljavanju, Ulica Đoke Mazalića 3, kancelarija br.15/I ili preuzeti sa web stranice Službe www.juszzks.com.ba.

VI

Javni poziv ostaje otvoren 30 dana od dana posljednjeg objavljivanja.

Nepotpuni i neblagovremeni zahtjevi neće se uzeti u razmatranje.

VII

Rezultati ovog javnog poziva biće objavljeni na web stranici Službe.

VIII

Služba će sa nezaposlenim osobama koje budu obuhvaćene Programom, zaključiti ugovore kojima će biti regulisana sva prava i obaveze ugovornih strana, u skladu sa Programom.

IX

Zahtjevi sa potrebnom dokumentacijom podnose se neposredno ili preporučeno putem pošte Javnoj ustanovi «Služba za zapošljavanje Kantona Sarajevo» - Sarajevo, Ulica Đoke Mazalića broj 3, sa napomenom: «Za Program sufinansiranja samozapošljavanja».

Dodatne informacije mogu se dobiti u Odjeljenju za poslove podsticaja u zapošljavanju, kancelarija broj 15/I ili putem telefona 033/ 569-100.

Sarajevo, Đoke Mazalića 3,
web-stranica: www.juszzks.com.ba; e-mail adresa: juszzks@bih.net.ba
Tel/;++387 (33) 569-100, fax: 204-177; Matični broj: 4200304610003;
Poreski broj: 01079085; Žiro račun Raiffeisen bank d.d. BiH broj:
1610000027460032-depozitni račun, 1610000027460226



Certifikat br. 44 100 081869
Certifikat br. 44 100 081869